

聽松集

全



39-32 a

集松燕



聽松先生集

遺稿

坡山

坡山之下可以休沐古澗清冷我纓斯濯飲之食之無  
喜無憂與乎茲山孰從我遊

聽松

以下後題皆從自書

次

誰讀盤銘而浴而沐坡山之翁其心之濯斯人不見  
我懷其憂解佩言歸與子優遊

靈川子書

申公

又

身可浴髮可沐惟此心鮮能濯坡之翁為是憂遁于  
山得天遊

泛虛翁

尚公震





又

髮本無垢何勞乎沐巾本無纓何事於濯有終身樂  
無一朝憂若比於古其逍遙遊

石川

又

馬之島海老人之角坡之江水織兒之濯之子之遠  
而道之憂曷之觀乎要之夢遊

南冥曹植捷仲和申學士奉上

仲玉丈

入聲散神非古也叨竊改焉

居接馬島故云南極

又



髮之求解毋漆以沐山之郊國乃成濯濯睠彼碩人  
離索是憂結蘭延佇思與同遊

乙卯仲春花朝 退溪

又

坡山之松色如膏沐龍門之水可飲可濯子有其樂  
我無其憂東西雖隔願同斯遊 徐真菴

又

昔也拜床既熏以沐今焉承教如熱斯濯人皆汲汲  
公獨無憂曷其能爾心有天遊 宋寅再拜

又

逃名望名惡濕強沐所恃者心或時不濯遙望坡山



實貽我憂何時掛冠雲壑從遊

東洲笑仙拜稿成元公

又

世皆垢汙誰浴且沐乃如之人江漢以濯道勝而肥  
樂以忘憂夢成于思鄒魯其遊  
夏山後學成運

又

坡江之源而可沐斯坡江之流而可濯斯脩然獨樂  
與世同憂卒歲逍遙優哉游哉

嘉靖戊午五月上旬後日  
河西金麟厚

山居雜詠絕句三十三首。先生素不留意於文詞時有所作未嘗收錄末年始復記憶

舊作得七言絕句若干首自題曰山居雜詠或不書題或書題于本詩之下



空山清晝一村翁冠蓋東華夢已空  
老大願生襟宇泰  
白衫烏帽卧亭中  
次周卿韻

留滯西州謝一年形容枯槁病無痊  
遙憐新植故園竹  
玉立蕭蕭夜雨懸

我亦從來與世違欣然一笑擲塵機  
此心若甃能追辨  
老死山林未必非

山木蒼蒼帶夕暉上方留我不思歸  
明朝分手長安去  
此地相逢未有期  
次夢熊韻

九尺長身皮骨衰旅窓風味轉悽其  
何當執手伽倻寺  
閑踏青嵐步步遲  
贈僧

講屋初年眠食安幽懷不欲說人間  
短筇歸去山中靜



採掇重巖細菊斑

投老藏形宜伏隲幅巾來住此寒林柴門長閉來人少

山雨蕭蕭落葉深

疊嶂當窓日上遲隔簾風竹起幽思無人說與山家事

獨據枯梧養白癡

家舉逸及吾身才薄何能善養民世味已知同嚼蠟

不如歸卧故山春

應命入朝未幾還山

風微竹逕清香動山色按藍紫翠間最愛夜深岑外月

清光依舊入簾寒

朝來何以補衰腸蘿菹新蒸味可嘗飽即嘯歌慵即睡

起來無語嗅花香



琴筒自汲寒溪水煎却坡山一味茶閑卧竹房無箇事  
山風時動倚床琴

歷代金甌屬大家人亡事去我悲嗟當時王業憑誰問  
一疊松山倚暮霞

木落霜清滿月秋然思前事使人愁衣冠第宅今安在  
風雨空山貉一丘

山圍故國風烟淡歲月相催陵谷移獨立徘徊人不見  
石橋西畔愴斜暉

右松都懷古

蕭蕭茅屋倚山根一帶炊烟隔水昏  
桔槔零落掩柴門

獨乘小蹇赴東阡白屋雙扉一水邊  
耕獲得時俱著木



朱陳風物故依然

清霜十月始成冰  
紙被生寒病日增  
點檢生涯嗟已老  
老來身事淡於僧

幽棲簡略誰相問  
只有山人訪我來  
朱轂風塵飛不到  
一區山水眼中開

寫出清標真我道  
人間那有此癯仙  
晴窓靜對冰霜面  
髣髴寒聲在耳邊

墨竹

一室居常一竹床  
春風相與散衣裳  
溪翁去後僧來訪  
詠石評雲軟語長

右贈上人

憐君風節我幽谷  
多病年來懶去看  
莫道山翁無護惜  
天寒霜雪倚盤桓

詠竹



松蘿閑鎖一身孤悟道年來斷二愚金地靜時春睡穩  
山童喚起勸臯廬

右贈上人

野蔬脫粟聊充腹大布麤絺只蓋形生順死安功未及

少年聞道竟無成

莊子聞道百自謂莫已若陶靖節集少年聞道白首無成

宿雨初收思遠步獨携筇杖立芳洲白鷗與我同心契  
隨意清瀾自在遊

東華日月薰人面丘壑風霜冷布衣羊酪味甘蔬菜淡  
我生何事與時違

白頭心事懶經營自喜年來得此生晏卧小齋清不寐  
無端山雨注深更

朝日微茫翳復明卧看天末片雲生須臾遍合翻成雨



萬壑崩湍共一聲

病年來瘦骨輕披衣閑坐養餘生小堂清悄無人語  
籬外寒泉徹夜鳴

抱膝長年一草廬蕭條身世似僧居莫言傳業渾無物  
三尺床頭千卷書

午睡從容春正濃山風麈枕夢還空日長無事支頤卧  
身在蓬萊第一宮

故人訪我到山家忙把重茵掃落花目擊忘言先一笑  
白頭相對淡生涯

隨處生涯一鉢孤結跏禪榻却如愚空門寂歷塵機息  
蒼苔花香擁玉盧

贈上人



述懷八十韻

東方有一士，偏性厭奇巧。抱痼坐十年，昏忘精神少。計  
迂拙，生事歲暮飢不飽。居然成老大，性命不自保。坐卧  
一書榻，開卷目宵宵。誓從詩書益，敦本心慤慤。喜靜不  
寄華，守雌心不惱。薄俗逞萬端，誰與道懷抱。南澗素心  
翁，養真辭世垢。早年得相見，交情同壺奧。憐我久摧痼，  
杖屨時或到。連床叙無倦，情意致深造。薰然耳目開，千  
載得管鮑。吁嗟我沉綿，筋力日衰耗。鬢髮抽二毛，形容  
易枯槁。予予不得意，獨坐心歎悼。高閑思楚逸，淡泊歌  
窈窕。放志不拘檢，脫身事幽討。驅車發長安，息駕坡山  
路。跋涉杖青藜，飛步抵雲表。恣意極遊巡，卜地將送老。



仰見坡平山俯瞰平野杳誅草得一區架巖開戶牖清  
泉激潛竇瀏瀏流左右瘦石爛相錯大松羣夭矯  
引山泉鑿池開一畝山花媚白晝紅紫各相吐幽禽弄  
晚晴求友鳴相遠徘徊田野間咄咄歸不早完命莫如  
食力田耕秔稻時登北原上好立望蒼昊人寰在何許  
漠漠雲烟冒崗巒下逶迤景物麗雲樹夙尚今始得天  
公非所媚行歌意自樂拖筇時緩步尋芳不憚遠坐忘  
天日暮悄然空谷中馨香聞嫋嫋紫蘭秀嫣然托根巖  
下土衆草奪幽色蕭蕭蔽夜雨彷徨不忍見感物心戀  
繆採之欲遺誰俯仰憂悄悄折柔歸入室堅貞終不負  
萬物各有命此意何足道有客訪我來剝啄門夜扣攬



衣迎入戶岸幘形貌古心知非常人歛容恭俛首怡然  
若舊識披襟道情素自言山水人孺子聞名久同病不  
可得結交終始友君看隱遁者抽形自高蹈手持冰雪  
文脫世心厲操不聞世喧闐不見世嘲噉窮耕荷短鋤  
斷藥迷雨露觀化窮物理歲月心愈固優遊且卒歲終  
老無何有高哉隱遁人物外尋幽好鳴呼世上人齷齪  
多污躁賀肩諛笑語奴顏甘竊號外直內巧詐變化翻  
覆手鬼神窺真測捷疾如響報低昂事權貴白首不得  
選紛紜競取利輕重復內顧自縛且自縛不知身所誤  
善者雖云善不善不可數君子處人世所貴無外誘孔  
孟非其稱斗祿應不受奈何牽物役屑屑困陵暴蓬飯



無人爭食之多壽者莫窺翻車粟窺翻嗟亦苟貧賤足  
肆志富貴人所惡去就惟用捨不究知其故我聞山人  
語廓然知所守稽顙拜山人伊余欣所慕相携出幽谷  
性情同浩浩班荆坐西忘好酌松肪酒相與期酩酊不  
覺山月皎醉來放志意孰知孰無咎一笑見青山樂哉  
盟白鳥所向苟同趨百歲無悔悞更製芟荷衣相期拾  
瑤草

自贊

其容枯槁其貌亦古行年四十惟一布衣初心不駁終  
始無違



事實

行狀

栗谷李珥撰

先生姓成諱守琛字仲玉昌寧人我朝初有諱汝完位

領議政

宗人言善以燕春秋館得見史筆則公於國初以耆老拜檢校門下侍中昌寧府院君而示嘗

為領議政蓋先生世埃謫誤以領議政書之故因之而未及考正耳

先生其六代孫也曾

祖諱得識位漢城府尹祖諱忠達位縣令後贈吏曹判

書考大司憲思肅公諱世純妣貞夫人金氏江華府使

諱克忱之女左議政諱國光之孫思肅公立朝蹇蹇有

大臣節金氏亦賢夫人以弘治六年癸丑二月十九日

甲寅生先生于京城生而異凡弱不好弄儼若成人矣

性至孝族黨皆稱為孝兒既知讀書便曉大義恒加程



規亡益將就正德甲戌先生年二十二丁思肅公憂守墓于坡州向陽里哀毀過禮三年啜粥日上三食必哭盡哀躬執饌具不委僮僕晨起掃塋焚香拜跪暮亦如之祁寒溽暑不廢第守琮亦齊孝有客過其廬感其孝誠投詩而去詩曰成門有二子孝行繼家君啜粥誠橫日焚香哭徹雲禮神朝與夕謁墓曉無曛一法朱文制當今此始聞服闋之後每值忌日先期一旬齋戒祭時哀慟如初喪素服終日不接賓客朝夕必展謁于祠堂出入必告與守琮遊於靜菴趙公之門俱有重名識者以英達許其弟而至於敦厚和粹則咸推先生也太學諸儒欲跼其居喪孝行于朝先生之友尚公震時居



上庠止之曰某兄弟力學之士也將期大成不可使一  
善之名早聞於世也事不果上先生聞之稱其識量侍  
母夫人居晨省昏定必具甘旨兄弟怡怡養志無違妻  
子貧窶不以為意己卯之士聲聞太盛先生以為憂且  
自丁憂後身抱羸疾自度不能與世俯仰遂閉門不出  
不事科舉家在白岳山麓於園北隙地松林中築書室  
數間扁曰聽松獨處其中日誦大學論語手寫太極圖  
以玩索造化之原自通書以下程朱之書悉類會抄錄  
常置座右以學為樂不以外物累其心邪淫之聲未嘗  
經於耳不正之色未嘗接於目也嘉靖辛丑朝廷方舉  
遺逸慕齋金公將薦先生問于洪公奉世洪公曰朝廷



欲求堪任百執事者一不成某則年垂五十不求聞達微  
辟之下徒使斯人難於進退而公亦被近名之誚不如  
且已金公曰朝廷求賢雖未大用某待罪列卿當薦一  
時第一流使其姓名達于 楓宸可也他何足屑仍問  
曰子是成君執友可論斯人地位洪公對曰成某資高  
學成竊謂守死善道斯人當之金公曰止此而已乎其  
見重如此金公雖不果薦而朝廷竟授厚陵叅奉謝恩  
而不就職癸卯母夫人隨季子守瑛之官德山先生為  
母寓于縣之伽倻寺先生有妻家舊業在坡山下牛溪  
之側卜居其中扁其堂曰竹雨以為終焉之計以母夫  
人故不能歸也其弟知先生意求換積城縣先生始居于



牛溪時甲辰秋九月也自是母夫人或在積城或就牛溪先生觀省之外不出谷口其第官滿先生侍母歸牛溪田少主瘠庾釜或罄而母夫人常極滋味妻尹氏亦和柔寡欲養姑承順不憚勤苦母夫人稱之曰吾婦能安余志壬子夏徵遺逸特授六品階先生到京城或疑其老不當出先生語人曰吾世臣也豈可偃蹇以辱君命病不能仕則業已定矣但尋便一謝以答聖恩可也謂之遺逸則非其人矣于時廷議欲試以臨民之官同徵五人皆補外先生初拜內資寺主簿入京之日改禮山縣監謝恩而不之官吏皆欲授之邑冀其一就啓換兔山又換積城先生適疾作未能謝恩俄而母夫人



人得疾歸而侍藥是年十月母夫人卒哀哭致疾幾必  
氣絕僅得支持猶廬墓終三年先生以祠堂宗法自有  
禮制惟墓祭則國俗子女輪祀臨時齋送或不誠  
潔世代寢遠廢祀者多乃優置墓田及藏獲構屋墓下  
藏器有閣收穀有庫具饌有廳致齋有室凡百皆備以  
至床席器用之細皆親加規畫無不精固為之立籍以  
為經遠之圖或曰如此過厚後將至於廢弛先生曰為  
之自我者當如是後之替引在子孫賢否耳豈可逆料  
廢弛而先自忽之乎節祀之時令奴婢齋浴掩口而具  
粢盛甚豐且潔焉先生又慮墓僕為本宗子孫所侵奪  
乃益之以自家奴婢且命其子曰汝當體我之心遺書



子孫俾無侵奪可也先生自少多疾畏寒晚年益苦雖  
薄寒不敢出每值春秋和暖命駕之田間田夫野老與  
之談話風詠而歸一室圖書塊然靜處謝絕世故若無  
意當時而四方風土人情物宜靡不周知感時憂國出  
於至情嘗有所感出孟子好善優於天下及人不足與  
適也兩章而三復之曰嗟呼有能以此說進於吾君  
者乎顧語其子曰余幾於流涕也每聞郡縣催科輒歎  
曰吾民饘粥且不繼何以辦此不怡者竟日四方之士  
多造其廬而拜焉縉紳之官于州縣適是鄉者即其家  
存問休譽益盛而自謙益卑每聞稱道退縮不受自號  
坡山清隱後改牛溪閑民曰吾可謂之清隱乎庚申歲



復拜造紙署司紙先生年已六十八矣老且病未能謝  
恩尚公時為首相抵簡曰恩命出於聖衷其亟來謝  
先生復書曰昔者文立不薦程瓊知其稟性謙退年垂  
八十無復當時之望故也今公非知我者耶尚公又貽  
書責之竟不起焉辛酉冬妻尹氏卒壬戌夏先生發濕  
證卧不能起癸亥春病甚自是沉綿日就漸盡而神更  
清茂至甲子正月二十五日己亥卒前一日謂其子渾  
曰我死矣汝以貧故常欲殖穀而葬親君子之於貧賤  
素其位而已何至作如此事乎慎勿為之渾曰謹受教  
因泣曰病將愈矣何為出此言乎先生曰死生常理奚  
復云云一遭歸盡良是易事渾請益有所教先生曰吾



言在平日至此復何言言語慮事無異平日授以欽襲  
治喪之禮且曰銘旌書初受三簿可也遂更衣就枕將  
絕左右扶其手命止之遂卒享年七十二先生天分極  
高重厚忠信身長骨秀儀形甚偉喜怒不遽言笑有時  
望之儼然知其德器也素志冲澹迥出物表視世之所  
屑者不啻若草芥也其學以反躬切己為務以誠為主  
未嘗輕以語人常謂學者曰道若大路而聖謨賢訓昭  
如日星知之不難要在力行以實其知耳言語之學都  
不濟事又曰聖人之門聰明英邁之士六為不多而卒  
得其傳者乃魯鈍曾氏子耳然則為學豈在多言世有  
能言聖人之學者蓋思而反之身也每勸人讀小學曰



脩身大要盡在於此今人不讀是書懵然不識人道居  
家何以事親立朝何以事君乎先生安居靜養得力充  
多老益高明或閉戶獨卧經句不言或擁衾儼思夜分  
不寐每有意會輒欣然自樂語人曰余老來讀書方知  
其味無窮使我讀書於今日則庶幾有得而七十之年  
衰病俱極深可歎也教誨其子使志於道嘗謂曰汝當  
讀書實踐謹守汝身教育二兒俾知向方以傳其家可  
也此二者吾所望也先生兄弟四人友愛甚篤伯兄家  
貧常以酒食致養不絕其居家內外肅穆衆事自理凡  
有所為盡其規畫必至於成就其外舅無嫡子只有孽  
息棄不省錄遺命以先生之次子奉其祀先生曰外舅



又有先考非外孫所宜承祀請于外姑金氏欲取同姓  
為後金氏不從請收孽息予之金氏不得已許之乃命  
名而俾奉祀焉輕財周急不違自恤親戚有貧不能婚  
嫁者皆振助之至以臧獲分與兄弟朋友略無難意平  
居日用若無有異於人而其收束檢制處則確然以淡  
泊自守常情所不堪而方且自以為樂也飲食無兩嗜  
好豆飯菜羹未嘗不飽晚年盤有重肉命去其一衣服  
只取周身常服狗皮裘絹紬之屬不以掛體嘗自贊曰  
其容枯槁其貌亦古行年四十猶一布衣初心不駁終  
始無違宅邊樹桑柘成林而不事養蚕或問其故荅曰  
使余扶杖徜徉于其下綠葉成陰清風徐來如是足矣



前溪魚鱗亦不喜漁也性雖高潔而接人無貴賤大小  
懽然如親與鄉人處飲食言笑油油如也奴僕之微亦  
撫以誠軫其衣食焉及門之士被其容接者穆然如在  
春風中觀其眉宇鄙吝自消聽其談論放心自收其言  
溫厚平易無智愚皆獲其益聞人一善輒歎其不可及  
見人過失未嘗面斥惟示其微意使之漸化聽言處事  
不露圭角若無可否而至於斷以義理則有凜乎不可  
犯者有一上舍請書其先祖墓碣其文乃李季甸所撰  
先生默閱良久曰子識李季甸所為乎對曰不知也先  
生曰南秋江許誦傳載此人之事遂不復言其生悟其  
意不敢復請其筆法不求妍媚惟以竒古老蒼為主而



墨氣高明自成一家其得意時運筆神速妙若化工評  
書者推為當代第一此雖遊戲之末而可想風標之出  
塵俗也人藏遺墨以為家寶焉其於文藻略不用功有  
時吟咏山家興味得之自然非世之篆刻者所能及也  
性不能飲或飲一勺輒微醺醺輒寫吟音韻滿室好看  
陶淵明詩且悅其為人每有曠世相感之意也其歿也  
遠近識者聞之嗟悼曰山林空矣鄉人朴宗文尹希慶  
等治喪一依家禮家無儲粟其子將鬻田以葬會司諫  
院啓曰伏觀坡州居前積城縣監成守琛初以遺逸授  
本職謝以身病終不之官安居田里頤養精神力行古  
道杜門求志行年七十有二卒以窮約而死斯可謂一



國之善士當代之逸民其於喪葬宜加恤典請令禮官商確事宜文移本道俾助襄事以示國家尊賢敬老之意明廟嘉納下其議于禮曹賜擲一部且命京畿監司優賜米菽出後軍營葬誠近代所曠之典也先生故舊及常所來往或聞風向慕者皆賻其喪以四月初二日癸酉葬于向陽里先塋之側卽坐西向之原尹氏墳在其左焉尹氏系坡平判官士元之女密判垓之孫也生一女一男女適直講閔思道生三男一女男曰成已早歿曰成章進士曰成憲業儒女適生員尹勉男渾娶郡守申汝樑女生二男二女男曰文泳冠而夭曰文溥後改文潛業儒女幼先生歿後二年丙寅命贈中直大夫司



憲府執義嗚呼先生本源深厚而充養完粹介不絕俗  
通不踰閑晦跡草野罕接人事而不形之德得人心服  
賢者敬其實不肖者慕其名譬如鳳凰芝草咸以為美  
瑞焉同風景仰者亦但見其器宇宏深莫一可涯矣而已  
至於踐履所造之域則鮮有深知之者珥與渾為友而  
獲窺先生道德之光今因聞知予一家者而謹志其一  
二如此李珥謹狀

珥於甲子年間製先生行狀厥後多所改潤迄今尚  
不忤慙處作文狀德之難也如此成君渾要珥自寫  
于帖乃略改文義未瑩處數句以書時萬曆丙子季  
秋也



墓誌銘

高峯奇大升撰

先生諱守琛字仲玉姓成氏昌寧人六世祖汝元佐我

太祖策開國勳位領議政

當任昌寧府院君已見行狀註

曾祖得識

漢城府尹祖忠達金浦縣令贈吏曹判書父世純守知

中樞府事謚思肅母貞夫人金氏府使克愷之女左議

政國光之孫先生幼有異質儼然若成人性至孝宗族

稱為孝兒稍長知讀書通大義恒加程課日月就將正

德甲戌丁外憂廬于坡州之向陽里哀毀踰禮再期猶

歆粥日三上食必躬執爨晨夕掃塋域焚香拜跪雖祁

寒溽暑不廢服闋值諱辰追慕益不懈與弟守琮遊於

靜菴趙公之門是時朝廷將興至治多所張設而趙公



特為 中廟所眷一時相從之士亦有聲聞太盛者先生以為憂未幾皆得罪或死或黜時事大變自度不能與世俯仰杜門不出家在白岳下築書室松林間扁曰聽松日誦聖賢之書以玩索為樂不以外物經心嘉靖辛丑薦遺逸授厚陵叅奉不就妻家有舊業在坡山下牛溪之上遂就以卜居蓋將為終焉之計田少土瘠庾釜或匱而處之晏如奉親極滋味壬子復薦遺逸授內資寺主簿先生謂人曰吾之病不能仕業已決矣雖然 聖恩不可不謝即入京除禮山縣監換兗山皆拜恩又換積城適疾作未及謝聞母夫人得疾亟歸侍遭喪毀瘠幾不救以祠堂之祭自有禮制惟墓祭國俗輪



子女設於節日臨時齋送多不誠潔世數寢遠亦有廢  
祭者乃立墓祭法優置墓田及減獲構屋墓下凡百皆  
備親加規畫無不精固為之立籍以為經遠之圖或曰  
此過厚後恐難繼以至廢弛先生曰為之自我者當如  
是豈可豫憂其廢弛而先自忽乎一室圖書塊然獨處  
謝絕人事若無意當世而四方風土人情事變靡不周  
知念時憂國出於至情嘗有所感舉孟子好善優於天  
下及人不足與適也兩章而三復之曰嗟乎有能以此  
說告吾君者乎顧語其子曰余幾於流涕也年益高  
德益邵而自處益謙聞人稱道退縮不敢當嘗自號坡  
山清隱後改牛溪閑民曰吾其可謂之清隱乎哉庚申



歲復拜造紙署司紙首相尚公震先生少時友也以書  
來曰恩出 聖衷其亟來謝先生復書曰昔文立不薦  
程瓊知其年垂八十稟性謙退無復當時之望故也今  
公非知我者耶尚公又貽書勗之竟不起年七十二以  
疾終實甲子正月二十五日也先生天分極高迥出物  
表視世之所屑者不啻如草芥而寬厚莊重德器偉然  
望之可知其賢也其學以誠為主務欲反躬切己未嘗  
輕以語人與兄弟友愛甚篤伯兄家窮空以酒食致養  
不絕親戚有貧不能婚嫁者必振助之飲食無所嗜衣  
服只取周身其於一切世味淡如也縉紳之東西行者  
多造其廬四方之士亦多及門被其引接者穆然如在



春風中聽其言溫純平易無愚智皆獲其益平居處事  
不露圭角至斷以義理凜乎不可犯也善於筆札蕭散  
老硬自成一家評書者推為當代第一其沒也遠近聞  
之無不嗟悼曰善人亡矣家無儲粟將鬻田以葬會司  
諫院啓曰前積城縣監成某初以遺逸授本職謝病不  
赴杜門求志力行古道行年七十有二卒以窮約而死  
斯可謂一國之善士當代之逸民於其喪葬宜加恤典  
以示國家尊賢之意上允之令京畿量支米豆併調  
役軍以其年四月癸酉葬于向陽里先塋之側娶尹氏  
系坡平判官士允之女叅判垓之孫和柔承順克盡婦  
道先二年卒生一女一男男曰渾女適直講閔思道生



三男曰成已早沒曰成章曰成憲俱業儒女一人適尹  
勉渾娶郡守申汝樛女生二男文淹文溥淹溥後皆幼  
先生歿後二年上特命超贈遂贈司憲府執義階中  
直竊觀先生立心制行之懿固有人所不能及者通而  
不汙介而不隘施於事為有疊疊之實可謂篤行君子  
也銘曰

嗚呼士不自重於世者久矣名於盜而實於疚紛紛與  
世而相掊疑疑先生惟德之崇有而不試抱道而終嗚  
呼其可謂自重者歟其可謂自重者歟

### 墓碣銘

退溪李滉撰

嘉靖四十有三年正月己亥聽松成先生病卒于坡州



之牛溪享年七十二司諫院啓曰伏以前積城縣監成  
守琛屢以遺逸授職輒謝疾不仕杜門求志力行古道  
窮約以終身茲實一國之善士當代之逸民請於其喪  
葬錫之恩典以表我 聖朝崇重節義之意於是朝命  
給葬具以四月癸酉葬于州之向陽里先塋之側其嗣  
子渾以校理李君珥狀請述銘文於真城李滉滉不敢  
當而終不得辭焉謹按先生字仲玉昌寧人六代祖汝  
完佐我 太祖位至領議政當作昌寧府院君已見前註曾祖諱得  
識漢城府尹祖諱忠達縣令贈吏曹判書考諱世純大  
司憲謚思肅妣貞夫人金氏江華府使克愜之女先生  
之生以弘治六年二月甲寅也生于門閥而絕執紼之



習長于都城而外聲利之求其出人之資高世之見自  
然有古隱君子之風始隱于白岳下之巖廬有聽松之  
癖終遯于牛溪上之別業名堂曰竹雨士大夫咸高仰  
之以為先生之與陶隱居可謂千載神交而王子猷疎  
誕殆不足比特愛賞偶同耳先生長身秀骨儀刑甚偉  
心厚和粹喜怒不形言笑有時望之儼然即之穆如冲  
恬凝遠亭亭物表少與弟守琮常遊趙靜菴之門其為  
學由博而折之於小大學論語以及周程朱諸書手書  
孔子涵養須用敬進學在致治等語揭之座隅以自警  
其有意會便欣然自樂曰讀聖賢書方知義理之無窮  
優遊涵泳自有灑然處然人問之則曰吾未能有得於



斯其教人必以質慤平白可踐行者未嘗敢作虛談誤  
後生也天性至孝甫踰弱冠而孤居喪極哀毀躬爨具  
篤行侔顏丁二連之儔事母夫人養志養體以一部內  
則為則禮重祠廟致謹齋祭皆人所莫及以為今俗尚  
墓祭亦不可以鹵莽乃為之優置土田藏獲畫規立籍  
以為經遠之圖兄弟四人友愛甚至其輕財急義也兄  
弟友朋苟可與則與之奴婢若輟盂水貧不能嫁娶者  
祿助之不顧己貧外舅無子欲託後事於先生子先生  
勸外姑取同宗人為後姑不從又勸以舅孽子奉其祀  
焉先生通不踰閭介不絕俗神用渾厚不露圭角於事  
若無甚可否至斷以義理則有凜乎不可犯者行已大



方若不甚異於人而收束檢制處確然自守未淡泊絕  
嗜慾常情所不堪而方且綽綽然有裕性雖高潔接人  
無貴賤小大與之懽洽油油然也愛閑多病寒暑不敢  
出每春暖秋涼日命駕出遊風詠而歸一室圖書燕處  
超然人但見其遊心事外若無意當世而其傷時憂國  
出於至性往往因書感事仰屋沉嘆固莫測其為何如  
也善行草書筆法雄健蒼古自成一家其得意處運筆  
如風雨得之者不啻如拱壁詩思略不留意有時吟咏  
自得之餘者若與悠然見山之趣默相會也初太學諸  
生欲疏其孝行于朝識者曰其兄弟豈可以一善之名  
早聞於世乃止嘉靖辛丑薦遺逸授厚陵縣奉壬子復



薦超除內資主簿改禮山縣監皆拜命不就或問之曰  
吾世臣也不宜聞命偃蹇吾病不能仕則已定矣已而  
移兗山又換積城會母夫人未寧遂歸而不復出矣自  
是年尊德邵休譽滿世而益自謙虛歲庚申 明廟特  
簡先生名命除司紙尚領相震與之書力勸其出先生  
答曰昔文立不薦程瓊知其性謙年老無復當世意故  
也公非知我者耶竟不起焉及遭疾沈綿日久而神更  
清了遺命訖更衣就枕而逝至隆慶初 明廟又命褒  
贈贈中直大夫司憲府執義吾嘗觀自古高尚之士多  
往而不返偏而失中若先生之為人可往而可返不偏  
而得中其不仕非無義也時適然矣而所樂者又在以



爾夫焉有所倚然而先生既未學自言亦非夫人之所  
能與知也故或以謂先生之受多病自謙退而已嗚呼  
斯言也豈足以盡先生之蘊也不配坡平尹氏判官士  
元之女有賢行能承順事姑主司却運用薦為參奉今  
又除掌苑女適直講閔思道孫男二曰文淹文溥後傳  
外孫男三曰成已成章成憲女一適尹勉銘曰

義軒既邈世迭澆淳變契揚庭沮溺隱滄士各有志誰  
屈誰伸往在前朝多士生國感會風雲咸慶千一維比  
碩人白駒空谷坦履幽貞其介如石松籟爽襟隴雲  
目時有翻覆維其韞積濁流清流無與淵叢名薦于天  
除書押至踰垣不恭畫牛若戲貴然而來脩然而返炳



炯雲月時見復隱婆娑偃息歲月婉婉高竹我軒雨洗  
霜清妙墨我池鬼變靈驚寄謝君房其知我未永矢不  
諛洋洋樂泌不夷不惠超世出類我諗太史誰傳隱迹  
庶無落莫用振頽俗

遺事

大谷成運記

思肅公之終也病淋出血先生旁迎大醫試盡奇劑猶  
未見效危至於不可測人力之既窮則中夜浴淨稽顙  
禱天請以身代之事秘人無能知之者其進澠器必自  
執不以任侍婢其血濃染指掌赤澤淋漓駭動人目亦  
莫肯次鹽母夫人閤其不食蒸豆與之先生以其手就  
器中拾取食之不以為不潔也同為侍疾者見之皆潛



嗟曰非孝心純至安能如此及其遭大故號天以絕絕而復蘇晝夜抱棺而哭哭不絕聲時名卿有來奠者思肅公友也及至殯席喻侍在柩旁者使之扶出先生然後欲入酹先生以手鉤執棺束甚力逾益疾哭卒不得引去鄰居者聞其哭不止為之感悼至於殯歸曰人之聲氣用極則盡今此人三月而哭哭聲如初是知聲發於哀哀未盡故聲亦不絕也吾嘗見人之子謂人皆有子矣今以此人觀之彼人之子不可謂之有子而獨司憲公大人真能有子也

先生居憂三歲朝夕用豆屑和勻粟米烹熟飲之白粒饘粥不食也至於菜果雖甚苦惡者亦皆斥之不以



口人有以早柿來饋者不食座有客勸之荅曰此物味甘似非素食者口所忍嘗且吾口爽失味雖欲吞食亦忍反苦於吾口不敢啗客慙而止自墓廬入謁母夫人及門下馬力乏坐休休既久家僮扶掖而起因張臂據壁且行且蹶入內母夫人驚且大哭曰見汝羸瘠殆將死矣汝縱不自愛奈我老孀何亟命爨婢供飯勸之食曰汝食吾亦食先生伏哭不食曰嗟窄食不得下母夫人亦哭不食竟不能棄也

先生專力務學不遑治活業在洛尤貧時至於甕絕炊火晏如也嘗語人曰吾家資產雖乏臧獲則有餘如使他人有之亦之以為家而吾拙於理生不善自謀一任



之妻不問有無以此貧匱至此親舊有為州縣者自其  
官或饋以服用之具妻輒命婢持入市鬻以給食以故  
家無蓄物衣服亦極純粗僅得備寒者常時搭肩之外  
無餘在箱者庭有古杏其大數圍朋儕之往來者所嘗  
見也一日尚相公茂權相公樓同訪先生入門碩庭杏  
不見恠而問之先生答曰近值天寒斫以充薪尚相公  
笑曰主翁之貧櫛及庭樹嘗遇疾藥不全從先生游者  
十人自相奔告曰如有不諱將何以為歛皆曰然相與  
之議取紙逐名記十人所出衣衾襲歛之具甚備後先  
生病愈取記覽之曰朋友懼我死骸肉暴露多其賻遂  
必欲厚掩之吾知其大惠然取在吾身上一弊衣裹屍



亦足矣喪欲稱貧此吾之志也

先生在服任情過哀大致毀傷骨髓之疾乘釁而作歲  
久彌篤醫藥所不能已者故屢棄舉業莫肯就有司獻  
藝潛居恬養以調護仁特為意此世所同聞而共知者  
也然其微志亦未必專在乎此而人莫能窺測先生少  
有大志才器絕倫謂陶化一世身可任也及其學進識  
高見世衰道喪人心已訛國無善政大教不行風漓俗  
薄日就卑汙欲加挽回之力顧無地着手又况賢路崎  
嶇士多失志邪正相傾禍機潛發當此時雖欲立身王  
庭宣力此世然道與時乖終莫能行其所學知時之不  
能行吾志而苟慕榮名偷取爵位是身雖顯而道則屈



吾心恥之不如斂藏而退不顯聲名棲息山野之間探  
窮性理之奧脩身獨善卒歲逍遙先生之志也是以  
絕意功名拔身塵囂負此岳等聽松堂藏修有年後改  
卜坡山之南當作西結草廬以居卒其志

先生於聽松庭內不喜栽花木之爭春者獨於巖縫手  
植雙松歲久龍身蟠屈鱗甲蒼然先生日日撫玩曰愛  
汝不受風霜之侵使汝無此操吾未必愛汝矣彼蒲柳  
望秋而先衰者見汝能無頽頽乎司諫朴伯瑜見時事  
大去必將解官歸耕欲見先生別去到聽松則先生不  
在因題堂壁一絕其首句云慙慙好在兩株松歲晚風  
霜不改容蓋以松之不凋比先生勁節有是作



有業學者得四書章圖心悅之以示先生先生曰圖以  
像之文以釋之凡義理之深奧難解處一見瞭然於心  
目之間可謂詳且明矣然學者初無深思力究心得自  
悟之妙而一朝卒然得是書觀之資口說以為知則其  
所知者亦無能久存於心知既不存則又何據而力行  
之以盡踐履之實乎亦宜戒之於是聞其說者知先生  
之學務在心窮而得之不以得於口耳者為貴



附錄

聽松堂序

朴訥齋祥

今 皇帝紀元嘉靖之五年丙戌春余自古昌化軍見  
代竹使入漢中僑舍亡友李幹之第白岳之第二麓也  
隣有僑俗之士成守琛氏卒大憲某公之嫡子也余嘗  
為大憲之幕客從事於江南知待頗腆往來門下非一  
二所亦子弟之所熟視有故守琛氏頻頻過余不以衰  
敗疎外因脩世好一日邀余於書堂無說可謝直造其  
所則背北山而面南嶽蒼松林立綠澗帶流菴寮如也  
幽僻難形前臨先相之宅乃守琛氏養病切琢之地也  
叙話良久守琛氏請余命堂遂以聽松二字塞之曰環



堂皆松則其色可觀矣其節可尚矣然色止於翠而已  
矣節止於苦而已矣聲則無方曰雨曰風曰霜曰雪相  
旋為韻律不已一晝一夜一寒一暑調亦推蕩無端其  
涵若江河殷若甲兵者濁乎其聲者也細若琴瑟高若  
笙簧者聲於清者也泠然泉瀉鏘然玉碎者和而平者  
也嘈嘈如呵叱激激如叫呼者奮而怒者也夫松莫然  
削然一無情植類耳其清之濁之平之怒之皆出於虛  
無中而不假於人為君子聽之可以通靈於造化可以  
契妙於鬼神非若八音之器必鳴於人手之私也蓋自  
然之聲初非出於蒼然者也因蒼然而求之於自然因  
自然而求之於造物因造物而求之於太極其所聽虛



而又虛天地一指萬物一馬其樂不可以言喻其學亦  
不可父子相傳授也況吾與子乎聽松之說止於此矣  
子默而會之有餘師矣言之不足足之四韻四首云

誰卜蒼山第二枝肯堂今日待佳兒亂巖後壓千層秀

幽澗前臨百尺危通客假橋橫一木補虛新柳長繁絲

松根好酌松肪酒莫遣奇方報太醫

先生於堂邊鑿酒  
松肯為窪以釀酒

學干無意坐沉綿黃嬾頤袖榻亦穿松露灑窓和硯水

山風吹戶濕鑪烟市朝門外空喧闐風月堂中有定禪

行藥巡簷時矯首終南將雨落詩邊

居近松林也不貧四時絲竹奏昏晨風來度曲還無緒  
雨過調絃自有真書裏舊傳三籟譜耳中冥會八音春



東坡集卷一  
都城幾處喧歌吹脉脉無言對俗人

只今文獻說昌寧不受羸金受一絰萱草老莖香北背  
荆花高樹照中庭可嫌舊客頭霜白猶借通家眼海青  
談洽移更山月上滿窓松籟與清聽

聽松堂記

林石川億齡

成仲玉一隱君子溫乎其玉昂昂乎其鶴素多病不樂

徇俗俯仰榮斗室洛

當作漢

北北山山下沉灌詩書退占

之周公孔子以自繩也其隙則掘草烹石濟形骸其視  
不義之聲功貴利不翅若腐鼠糞壤高卧不起十年於  
茲繚以短垣樹以松栢楓篁梅菊杜仲竇垣底以通山  
泉以縈後前迤流入于柳渠橋其上以濟人之之堂者



其山全石無他草木獨鉅松儼立相持蜿蜒然而龍駢然  
而雲捎河漢而鬪雪霜霽立墻之外斷斷然不能定名  
白訥齋先生先生曰曰聽松宜也林子一日與主人話  
宿是夜天朗山寂相與曳杖相羊庭畔有風蓬蓬然發  
乎太空刁刁乎披拂山中掀柯振葉泠泠淪淪撼動崖  
谷輝赫海如也屑窅雨如也雪如也瑟如也如竽如嘯  
如沸如啁涼而不薄映而不飄廣而不宣行而不流復  
而不戢不期乎音節而音節自諧爽骨淒神瀏乎其蕩  
邪穢而生冲泊噫天地之間吹萬不同聲音之可樂者  
不為不多樂其尤也軒轅氏之咸池有虞之韶又樂之  
大舞魚龍儀鳳皇感物如此在人可知孔聖聖也忘肉



味於百世下三月比之空山古木澹澹涼涼無倫無節者為如何而不待論說而焯焯校然而然而自本自根論之則竭耳目勞也假金石煩也待彈擊泥也美則美矣此豈足與論自然哉周之言曰鑠絕等瑟塞聲曠之耳天下舍其聰非惡夫樂謂其非自然也滴大羹具五味豈若存其淡毀白玉為珪璋豈若存其璞一犯手做喪其天久矣夫太虛之中陰陽之薄激風霆之震馥草木之叱呼鳥獸之叫吟何莫非鈞天廣樂世無有南郭大耳故不之知耳捨其此而必曰比竹比竹不亦聾之甚耶嗟呼仲玉君於是乎拔乎俗遠我亦有一畝地在南海濱頭輪山之下魚成川川上水紺寒多白石多銀



魚松千餘本環立洲中揮裂韁勒沛然歸去耕於是釣  
於是濯於是老於是期在月矣志已果矣仲玉以為何  
如此可與知者道難與俗人言仲玉曰公言可書退而  
為之記是歲嘉靖五年秋也

竹雨堂賦

先生築墅坡山栽竹西墻名其堂曰竹雨既而種海松于庭前取華鴻山寮所

書聽松堂八分舊額揭之堂上復舊號聽松堂

坡山之野風烈氣沍竹不得生生亦不茂居士愛之而  
不得見掛古畫於左右得糟粕而強名一世皆恠其故  
予曰噫噫此真居士之高趣達人觀物厥妙獨悟竹草  
而賢公今而古惟古知賢是公之慕陶菊周蓮各以氣  
類壁上非真曾中即有以鏡對影昭然以透然則名堂



亦豈誤也蕭蕭靈籟似聽瀟湘之夜雨寥寥一室寬若  
渭川之千畝聲不以雨生不以土不以耳聽而以心寓  
無冬無夏無夜無晝涼涼泠泠自滿襟袖遂與之化不  
獨以友鬢颯乎其竹之葉骨竦乎其竹之瘦虚心兮自  
擢勁節兮不附肯學桃李之顏寧為松栢之後舍則為  
葛陂之龍而深蟄大澤用則為張良之筋而運籌高祖  
鳳鳥不至嵇阮為伍猗猗抑抑追配衛武然則叟是竹  
竹是叟世之見堂無竹而疑之者是何異於擊磬哉

石川

以下後題  
皆從自書

寄題聽松堂

誰向山崖置屋牢萬松環擁作林臯靜看天矯凌霜節



直是調刀撼壑濤回鴈夢和聞遠遠破窓燈暈聽騷騷  
主人定似陶弘景愛此松風一味高

聽松堂上有斯人養病治經小隱淪寶璣明珠為益友  
蒼髯白石共小隣濛濛下界方馳轂寂寂高軒一欠伸  
但聽松聲無外事百年松下認成塵

以眼看松貫歲青又能以耳聽寒聲尋常聽聽俱清聲  
俄頃紛華息戰爭冬嶺蒼雲封雪在夏簷輕吹引涼生  
卧遊秋月春風地何必湖山浪得名

老我從前世累多東奔西驚奈如何慣尋遼市歸來鶴  
厭聽淙淙湧波今日坐忘馳靜域當時發興入烟蘿  
洗心快讀哦松韻不待養松頓去病



訥齋首題詩來示余以老病解松葉

戊子仲春

通菴老人曹仲梅溪庶弟七

憐君溪上堂歲暮掩重林多病絕來去草生松徑深物  
猜良獨苦茲事亦驚心竹有清宵韻梅斜缺月陰故人  
冷水想秋日屢沾襟鍊骨須良藥安詩拒物侵商飆激  
涼氣蘇健定從今早晚臨鳴澗松嵐看暝沉

塲巖漁叟稿

尚相公震年二十時作

次韻二首

天與好仁義地借奇園林九衢車馬織一室琴書深縱  
鎩鳳羽翼誰馴龍性心小隱似墻東無機如漢陰嘗敲  
明月戶得連荷衣襟波濤夜窓殷冰雪炎天侵幽蘭在



空谷古人嗟生今我歌君十行殘日雪峰沉  
長安固多士森森竹葦林貌同心則不誰能測其深北  
山有曠士一見為知心捫蝨水泐泐倚杖松陰陰草木  
亦可敬望之恒整襟君門萬豹喙子髮千霜侵長嘯宇  
宙間古也非獨今天上白榆種海底珊瑚沉

一善林大樹

石川

送列仲玉

東國雖褊小山厲江湖澄勃興得成子隱若天池鵬生  
長統絢中泊然雲水僧王公不得臣賤子為友朋命矣  
素多病面有秋岳稜築室北山下閉戶十年燈風松半  
夜雨石澗五月水昏昏夜行者可望不可外工作五字



詩陶謝不足稱酒酣掃千兔白日龍蛇騰一朝有不樂  
掉頭呼不應躬耕坡邑野門前魚可罾谷口鄭子真作  
居灘頭嚴子陵冥鴻千里舉弋者誰敢猜蘋風灑大江  
橫笛髮鬢鬢安得叫虞舜此物廊廟登絲虫網連城孰  
熟一作思涕垂膺歲暮疾風作乾坤雪翻崩執手嘯宇宙  
餘音振雲層菰蒲子若得幸寄老崖藤石川病夫

寄聽松堂

每恨箕山叟平生不事堯松聲雖可樂何似聽簫韶

石川

呈聽松居士

玄晏先生絕往還松堂寂寂掩苔關自從卿相交章薦



始覺聲名落世間

啓昭嚴典

伏呈案右

常恠東方少隱倫半生吾已落風塵聽松高義那輕說

元亮今為我輩人

申公潛字元亮退居峩峩山晚復從宦故落句云

退溪

敬呈竹雨堂

學道曾窺數仞墻怡神養性掩山莊龍歸碧海舒鱗卧  
鳳入丹霄放翼翔衝雨打來魚腹美踏雲收得藥苗香  
松筠一壑閑生計回首人間萬事忙

三山病人

大谷成先生運

奉呈聽松居士

已作龜魚主寧為富貴不遙知高卧處落葉滿江村



拜報坡山小隱洞

石川

苦憶令人癯見書如見面人遐而室邇孤枕苦輾轉負  
兒嚴可搖此心不可變詩成手自寫情極忘手戩畫思  
苦微茫時時夢中見忽覺在他方寒涕衣猶泫錦城吳  
太守傳聞公筆健斬寄霜雪藤一笑磨鐵硯

訪仲玉坡山別墅

海翁  
林石川

坡平山人巢許倫坡平山下數椽屋門前小溪淨如玉  
四面青山蛇屈曲黃冠野服邃古容杖屨逍遙鬚鬢白  
宴坐開卷聖為徒倦起排窓山作客人間百般亦何有



溪上吟詩飽真樂別君半月令我懷策駕不辭溪路惡  
欣然一笑坐明窓不啻芝蘭同入室楓酣葉未雜好懷  
清興未闌山月落羨君自有安樂窩辨生又無飢寒迫  
桑林挾路蚕可衣麥田地饒生亦足嗟余局束為人羈  
從君卒歲那可得匆匆分手隔山岳魂夢他時尋舊迹

伯瑜郭司諫珣

奉呈聽松

雪月巖邊戶畫局知君端是少微星遙授古筆供奇手  
為掃黃庭一卷經

石川拜

寄橘

昨日家僮至懷中仙菓將馨香有至德授與聽松堂



石川

謝聽松堂惠寄墨跡

神功已逼換鵝經利劍磨天斫海鯨掛壁擬看顏色好  
屋樑佳月不須明

夏山後學成大

用企村韻送聽松還山

寂寞荒村隱少微蕭條石逕接柴扉心同流水世間出  
夢作白鷗江上飛山擁客窓雲入座雨侵書榻葉投幃  
飄然又起烟霞興塵土無由染素衣

石川

次石川韻

坡山歸卧世情微白日閑簷半掩扉黃卷政堪終夕對  
紅塵能向此間飛清冷澗壑鳴環珮窈窕林巒列幃幃



病裏僅成婚嫁畢十年猶未製倚衣

厚之

河神金公麟厚

猥承手札詞旨鄭重感忤交至掇拾燕語略述一  
情倘賜一覽幸甚

坡平山似鹿門山古木蒼藤路屈盤臞鶴風姿宜物外  
老貌書法重人間曾煩下榻陪從忝又辱飛緘荷擔難  
芳歲易闌勞夢寐幾時能得出塵寰

侍生宋寅再拜

礪城尉

訪聽松山居

草徑披尋長者居清流鳴玉遠階除春風欲盡忘歸去  
塵思消磨笑談餘

景陽草

趙公

走草別運師寄聽松



今逢靈運師去訪坡山翁眠食問如何消息久未通自  
初夏徂秋苦留塵埃中熱惱或作病憂愁亦兼攻亡兄  
已經禪孤懷抱餘恫每欲徃見之晤語思從容人事乃  
多端川途隔西東餘年慄無幾萬慮常怱怱何意陪杖  
屨高步超鴻濛共學金丹訣相與遊無窮

景陽

寄聽松

毒蛇享長年苦菜活冬日人為萬物靈賢者宜逢吉如  
何彼君子一生長抱疾昨日兄君書書云恒聞室念我  
食無魚饋我山雞一子窮反助我仰感朋情密我亦恻  
風霜耳又厭啾唧所以長閉門養此頑鈍質啓期為樂  
三叔夜不堪士已覺軒冕寄常懷山水乞只取一身養



寧嫌五斗屈此若不可得歸歟老蓬簪非無張翰尊亦  
有李衡橘只疑海寇侵此計不得必常恐死道路永為  
高人啗衰年萬事忙詩書味如蜜聞君有國語歸我以  
全帙吾當如對君不污亦不失雲伯來傳云君病不捨  
筆此雖於藝末是乃主心術豈非天與癖如頭垢思擲  
看君簡書畫道功森刀鈇我欲乞小帖肯否第未悉思  
為畜巾衍不獨示子姪應知萬歲後一字價百鎰陳懷  
不覺蔓微詩莫誦也

石川

上聽松堂

靜裏生涯足人間寧下閑草封趣俗路簷宿下山雲動  
靜朝看易行藏重檢門客來欣所得清話破吾昏



卷一  
三十四

德水李珣

挽詩

李栗不珣

李栗不珣

岳精偏毓碩人頤  
使儒林仰羽儀  
雲翼未瞻搏北極  
霜英還惜老東籬  
清和風月流聲影  
上下溪山入燕貽  
滴盡平生壯大淚  
非斯為慟為伊誰

祭文

李承旨文捷

維年月日休吏李文捷謹致薄奠  
遠薦于亡友聽松成  
仲玉之靈嗚呼而余平祿以外  
馳顧子懷寶而韜光伊  
所超之殊道乃心與而相將由青  
止以至老孰一日其  
敢忘君坡山於高卧  
吾南土焉見放書傳  
懷以各勉若對晤之  
可望聞沉痾之旋劇  
意有德之神相天胡  
然以



反戾俾斯人其永喪幸廷論之稱實啓馨德而嘉獎肆  
始卒之必至貴君子之无妄惟吾子之所守儘無愧於  
俯仰噫峻節與清風羗山高而水長擬古人猶自然具  
至行之淳方超流俗其已也誰贅論其下上有胤子之  
克肖兼嗣孫之育兩是仁人之顯報應永久而彌昌嗟  
吾生之孔厄禦魑魅於炎荒既相問之不易能執紼而  
護襄負平素之心期向北風而益愴思芳躅以罔已致  
菲具而遥享陳哀辭以薦誠庶英靈之一饗

又

李栗谷拜

維岳凝精篤生德人風儀秀偉性氣真醇孝感神明信  
及豚魚潛心墳典游刃羣書夢斷浮雲浩然歸田屋下



牛溪屋上坡山於焉考槃十畝閑閑聲聞于天鶴書翩  
翩寤言永矢確乎不拔黃鐘未奏豫章誰伐追乎季年  
行安學成外無圭角內就高明一味簞瓢樂以忘憂不  
出戶庭馨香四流高山仰止來自遠方小子困蒙晚窺  
末光春風秋月擊目無際天胡不慙鳳兮云逝匍匐一  
慙萬事已矣恭將菲薄以明誠意不亡者存庶幾鑒此  
書先考題僧軸詩後

故宅僧來訪山人已昔時慇懃慰孤露出示舊題詩

聽松先生集終



耐節孝先生遺稿事實

思美人

秋花岸上發冷色照行客折來如美人猶疑見顏色因  
悲隱草間每被行路摘我懷此悽苦不徒傷遠別數夜  
風霜急恐爾飄零岸下落

讀前漢書

讀史不讀漢世變安可得創始更無德我意多慘憾屠  
狗各成名未絕秦家之歷世過兩葉年少長嘆息桓靈  
不足怒獨為文景惜君臣布行跡日中分黑白猶思董  
氏賢三復天人策嗚呼棄不用當世俱物役

讀後漢書



我愛東漢節不愛東漢士初年有卧客桐江終不起根  
源及後日學者皆養氣君子孰不死妄動非本志羣賢  
永康間危言空見死彼操不忍者為臣亦沒齒或無此  
遊目漢東都獨有申屠子

讀三國志

孔明使我悲文若使我憤漢衰出處際君子宜所謹有  
操復有權天下皆未信允失卧南陽獨為昭烈奮吾嘆  
進取間襲璋非義聞懿輩復何心竟世昧逆順千載坐  
一室深思淚空隕

過先隴下二首

坡平林木北過春勿拜長枝戒野人神道年年空血泣



飢鳥寒兔舊相親

石馬空山不可牽  
春花秋雨立長年  
世間修短皆黃土  
古往今來淚一懸

野老惠新果

野老翻翻拜我衣  
袖中山果及新嘗  
提携未得高堂進  
只恐中間見日長

聽松堂和贈林大樹二首

松葉西風一壑秋  
獨窓看月思悠悠  
佩蘭題句江南客  
來訪欣然話白頭

塵埃獨立佩幽蘭  
皮骨相看意萬端  
共藉堂邊寒草色  
數花移石見秋山



聽松堂晚步二首

一疊秋山落市邊  
層城日暮散風烟  
幽居近壑來人少  
獨採黃花坐石田

負郭人居少  
逕斜獨尋霜  
夜石間花  
西風無限幽堂意  
默默空書澗上沙

贈圭上人

歲暮何來此空山  
瘦鶴形金剛  
皆嚙嗽三角即留停  
見得三千偈  
功成八九齡  
相逢成一宿  
綺語夜深聽

江村書懷五首

殘年心事愧前賢  
有骨今歸海上眠  
春來恐失漁樵計  
不免飄蓬若箇邊



欲結江村懸磬室春前謀婦賣珠迴幽居他日誰相問  
獨把南隣野老杯

小山當面背長江山雨江聲落夜窓朝來卧卜漁人惠  
破席門前吠老瓦

臨老閑居倦學干官人還笑野人寒芳擗錦瑟非村興  
只有春風種藥欄

天時人事苦相催老去悲秋百慮迴自倚浮生看物變  
呼兒採菊盡餘盃

送李牧使

弘幹

之任公州

我愛錦江水年年清自流公能移善政民得洗深憂夜  
虎呼羣過棲鷗引子遊他時騎一馬春日倚蘋洲



送尚評事起夫震赴北塞三首

幕中宜聚彥君往喜人心行路清秋發離情落日深孤  
城連海氣荒塞接雲陰矛戟雖光彩羈思恐未禁  
此地皆戎服平時鐵馬行旌旗開曉塞笳鼓動寒城脫  
劍坐論策鳴弓出訓兵飛騰書奏處猶戒失軍情  
地寒苦吾土南人遠自愁他皆兒女態爾獨丈夫憂雪  
路迤沙磧霜天立戍樓須看風氣異筋力好為謀

送韓子純

淑

赴京排律三十韻

辛卯夏

足騎質正馬初夏向燕都地接遼城濶江分鴨水紆山  
河開帝里日月照天區擇使詩書備歸庭玉帛俱行藏  
猶淡泊原野載馳驅上國聞人往中宵撫古吁歛襟思



北闕披髮坐東隅路想添羈飯樓知進客壺嘗為朱紱  
客翻作錦囊儒夜玉裁形立秋波洗眼趨 君王朝日  
下宮闕望雲衢曉日臨仙仗微風過玉爐榮光生造次  
賜予落須臾隨禮情相透逢人語獨殊似騫杏上使非  
籍哭中途善價遭逢重觀光少壯娛衣冠皆古昔文物  
未榛蕪江海深何有丘山峻却無尚書為政苦騷客覓  
詩癯伊呂終難見曹劉庶可呼分明論楚漢珎重問唐  
虞暫滯孤燈館因分白玉厨即今愁夏雨他日見秋菰  
雲月他鄉遠星辰故國孤客須看氣力家憶話僮奴怯  
別扶桑老慚頰弊廬軀病吟時曬藥思極屢傾觚途道  
雖勞矣風流可尚乎歸來中國眼顛倒一鄉愚直待幽



堂過開襟竟曉晴

送辛禧之通川郡二首

鳴沙十里白如銀  
刷翅閑鷗懶避人  
直為海棠香玉晚  
一盃長望不相親

他時一接葉蕪醜  
病裏仙臺不廢登  
竹符暫掛琪花樹

詩罷相看海氣騰

李白詩樓臺成海氣海氣海市也

客中叙懷

北客初來此南人尚未親  
青看山木古白望海波新  
夜壁寒虫急高林宿鳥頻  
羈邊無好語秋鬢欲生銀

失題

海上重過月未圓  
朔風吹亂夜燈懸  
殘潮暗蹙寒聲遠



觸我愁人聽不眠

節孝成公墓誌銘

慕齋自題如此蓋  
倣古私謚之義也

慕齋金安國撰

昌寧成君守琮字叔王安國在朝時久聞其有高才卓  
行今世罕儔每欲見而不得後余罷歸田里因往來學  
者又聞君嗜學篤善識慮超遠為一時所推重而端居  
韜跡絕仕宦意益想慕之以為斯人也志尚弘毅終必  
有為於時能任重致遠每論人物未嘗不屬意於君冀  
聖朝收用嘉靖癸巳春人有自王京來者云君得羸疾  
久卧竟以今年二月二十一日歿不覺失聲嗟悼噫斯  
人也而止於斯耶豈非命耶君歿家貧不能治喪其友



尚震鄭源洪奉世李涵鄭滿允慨慎希復許淨安曇等  
各出財棺斂以二月有日共窆于坡州向陽里先思肅  
公墓左坐艮向坤之原既畢又相與謀曰以叔玉之賢  
不能少試於時又不得壽而遽致命固已矣吾儕在世  
使斯人之名又竟泯滅而無傳則豈不尤慟矣哉此吾  
輩責也不可不誌于隧以慰泉下遂買石磨礮以圖不  
朽李生涵與余有舊裹糧信宿遠來求誌銘噫此實古  
道非今世之所聞也君之取友若此益信君平日切偲  
之功能取服於所交有非他人所及也安國及事先思  
肅公當公監修國史時安國忝與參修謬蒙獎許出入  
公門久頗知其世次思肅公諱世純位終司憲府大司



憲英風峻節時推名宰相君其第三子也思肅公五代

祖曰領議政府事

當作昌寧府院忠見於註

諱汝完佐我

太祖策

封國勲致位三公生禮曹判書修文殿大提學諱石珣  
石珣生議政府左贊成諱抑抑生漢城府尹諱得識得  
識生贈吏曹判書諱忠達即思肅公之考思肅之配曰  
貞夫人金氏江華府使諱克悌之女左議政諱國光之  
孫君門高顯固世所矜仰者然人之所以慕君者不在  
於此獨愧安國以思肅公郎屬受知最厚能詳其家世  
而不識其令子尚足與論於古人好士樂賢之風乎冀  
托文紀君操履之槩庶贖余慢乎微君平生於涵涵之  
言曰君生弘治乙卯在世僅三十有九為人天資英特



骨氣清聳白而長身迥出凡常自髫髻知讀書即見大意趨向甚正不自刻苦日就高明為文不蹈襲前人畦徑自出機軸拙思奮筆泉湧而出奔放橫逸不可當詩亦清健尚雅不肯道俗間語老友天至年十九丁思肅公憂廬于墓側哀毀盡禮三年啜餽粥不食菜果日三上食必笑盡哀皆躬執饌具雖滌拭之細不委僮僕晨起掃塋域焚香拜跪暮亦如之祁寒溽暑不廢免服家居每值忌日先期一旬齋素祭日哀慕悲笑一如初喪朝夕必拜出入必告者二十年歿身不懈智慮絕人事有難料有質焉規畫盡理咸出意表趙公光祖高邁少許可一見君定交每論當世士必以君為首正德己卯



對衆推第識者慶得人未幾士林禍起趙公首被不  
幸黨路者指君為其類白削榜名而黜之君怡然不以  
介懷優游自適玩心書籍而已自此無意於世為娛逸  
林泉計以侍母夫人亦果遂平生澹泊無嗜好未嘗蓄  
一物為已有有不合於義者雖一毫未嘗取初娠丹陽  
郡守朴季范之女十六母愛敬君不已多與貲產既而  
喪其室云云還不留臨財不苟得類若此後娠士人  
安光乳之一生一子今三歲矣噫君之篤行非惟卓絕  
一世求之於古亦不多得苟非天畀之純而力學以充  
之者寧若是乎以君才學行誼苟立于朝必有所建白  
以裨贊治化而一得第遽斥黜竟未試一官以歿抑時



然耳豈不深可惜哉雖然名者公器不以窮達而顯晦  
彼哉冠乘軒燁耀一時者終與草木同腐君雖窮蹟以  
歿他日史氏當列于獨行傳名昭青簡垂永于後寧可  
以此易彼哉銘曰

時有窮名不可滅莫曰埋之馨不掩愈烈

遺事

此文得之於先生之弟副正公守瑛家不著  
名氏莫知出於誰手意其為一時文人敘史

氏時筆書卒之為者或直出於史筆皆未可知  
也姑錄于此以俟知者且以補前載之闕遺云

布衣成守琮卒字叔玉昌寧人也兄守琛幽靜少欲持  
操澹泊世知為高士守琮為人風神秀邁品格甚俊有  
過人才氣平生厭塵腐不肯道俗間語為文尚新快不  
拘時俗規法然讀書知為已之方父沒與兄守琛居廬



三年餒飢粥雖菜果不食兩目以笑泣幾至於喪趙光  
祖方以古人事業自期士多出其門及得守琮大奇之  
論譽不厭曰守琮才氣過於守琛已卯秋對策殿庭極  
論時事光祖與南袞同為考官光祖見守琮策驚嘆曰  
非成某誰能及此袞欲沮竟不得擢出畧守琮也及袞  
構陷士林之後謂曰守琮之第光祖之所私也遂嗾臺  
官啓奪之守琮怡然若不為意光祖等將決罪守琮與  
上人洪奉世解衣咯杖者得輕及光祖死葬于龍仁守  
琮與奉世及李忠捷李延慶等臨穴會葬有祝獻以奠  
相攜乃長慟而返袞等既以奸巧戮斥善類於是游學四  
散士日趨於諂阿守琮大傷之常沈鬱不樂有長往之



計母老不許且強使赴試然竟不中守琮既不能俯仰  
一世心甚隘之遂沉飲浪跡守琮常止之及卒金安國  
題其誌守琮奉姑居家常閉戶以書史自娛簞瓢屢空  
晏如也書法冠于一代號聽松堂

附節孝先生遺稿事實終

翰墨清興

清興

清興







